

Broj: 01-02-1790/21

Sarajevo, 07.10.2021. godine

Z A P I S N I K
25.REDOVNE SJEDNICE PREDSTAVNIČKOG DOMA PARLAMENTA FEDERACIJE
BiH, održane 27.09.2021. godine

Sjednica je počela u 10.21 u Hotelu Hills na Ilidži.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Husein Topčagić, Belma Pojskić, Amor Mašović, Nijaz Helez i Salmir Kaplan.

Prije nego se krenulo sa radom, bilo je potrebno izvršiti verifikaciju mandata novoj zastupnici. Dženana Hodžić dala je dodatno obrazloženje i kazala da je prestao mandat Senaidu Begiću i Centralna izborna komisija dodijelila je mandat Marini Mujkanović. U raspravi niko nije učestvovao, te je sa 67 glasova za, bez glasova protiv i bez uzdržanih glasova usvojen izvještaj Mandatno-imunitete komisije i time verificiran mandat novoizabranoj zastupnici Marini Mujkanović. Novoizabrana zastupnica dala je svečanu izjavu.

Zapisnik 22. redovne sjednice usvojen je bez primjedbi.

Zastupnička pitanja

Damir Mašić postavio je pitanje vezano za izgradnju Tunela Hranjen, te pita Vladu FBiH, kada će dostaviti informaciju o tome i zbog čega Parlament FBiH o tome ne raspravlja.

Drugo pitanje koje je uputio Vladi FBiH, a vezano je za Pravilnik o fiskalnim kasama. Traži očitovanje premijera ukoliko je Vlada FBiH učestvovala u tom procesu, a ukoliko nije traži da se Odluka od strane Vlade FBiH poništi.

Treće pitanje uputio je Federalnom ministarstvu rada i socijalne politike, a vezano za Zakon o profesionalnoj rehabilitaciji, osposobljavanju i zapošljavanju osoba sa invaliditetom, budući da postoje pritužbe da se Zakon ne implementira, ko na terenu porovodi ovaj Zakon, ko kontroliše javne ustanove da ispoštuju svoje obaveze prema ovom Zakonu i kome se može prijaviti onaj ko ne poštuje ovaj Zakon i kakve sankcije će snositi.

Hajrudin Žilić prvo pitanje uputio je premijeru Vlade FBiH – šta je Vlada FBiH uradila po zaključku Predstavničkog doma od 02.12.2019. godine, kojim je zadužena Vlada da pripremi izmjene Zakona o prijeveremnom povoljnijem penzionisanju branilaca odbrambeno-oslobodilačkog rata.

Naredno pitanje uputio je federalnom ministru pravde, kojim traži da mu dostavi podatke o broju pravosnažno presuđenih predmeta po općinskim sudovima u Federaciji u periodu od 2014. godine, od početka primjene člana 43.c) Krivičnog zakona FBiH, izvršenje kazne zatvora kao kućni zatvor sa elektronskim nadzorom, zaključno sa osmim mjesecom 2021. godine.

Adis Arapović prvo pitanje uputio je federalnom ministru pravde, a odnosi se na pitanje na koje nije dobio odgovor, pa pita ponovo – kada će biti utvrđeni Zakon o sukobu interesa, Zakon o slobodnom pristupu informacijama i Zakon o parničnom postupku.

Naredno pitanje uputio je Vladi FBiH odnosno sekretarijatu, kojim traži dostavu informacije imena i pozicije svih savjetnika u Vladi FBiH, savjetnike premijera, dopremijera, ministara, datum početka njihove savjetničke funkcije i listing prisustva na radnom mjestu u periodu 01.01. do 30.09.2021. godine u zgradi Vlade ili u sjedištu ministarstva.

Pitanje je uputio i ministru Lasiću a vezano je za Zakon o informacionoj sigurnosti, te ponovo pita, kada će biti dostavljen u parlamentarnu proceduru.

Husein Rošić prvo pitanje uputio je Ministarstvu obrazovanja, nauke, kulture i sporta Unsko-sanskog kantona, kantonalnom ministru – kojim argumentima se vodio kada je donosio odluku o ukidanju 11 odsjeka na Univerzitetu u Bihaću.

Drugo pitanje uputio je Federalnom ministarstvu rada i socijalne politike i Federalnom ministarstvu zdravstva, a vezano je za Inicijativu koju je pokrenuo, a tiče se donošenja odluke o izradi baze podataka osoba sa invaliditetom, a koje imaju pravo na dodatak za njegu i tuđu pomoć druge osobe i donošnje Pravilnika o vrsti specifične njege za izvođenje medicinsko-tehničkih zahvata i težinu oštećenja, šta se uradilo po ovom pitanju, obzirom da nije dobio odgovor i šta će se uraditi u narednom periodu.

Treće pitanje uputio je Ministarstvu vanjske trgovine i ekonomskih odnosa u Vijeću ministara BiH-da li je pokrenulo proceduru za izmjenu sporazuma između Bosne i Hercegovine i Hrvatske o BIP-ovim graničnim prijelazima za izvoz robe životinjskog porijekla u smislu uključivanja graničnog prijelaza Izačić sa statusom BIP prijelaza, da li će dobiti taj status i kada se to može očekivati.

Posljednje pitanje, također se tiče graničnih prijelaza, obzirom da je Hrvatska radila prekategorizaciju tranzitnih graničnih prijelaza za promet teretnih vozila i da će se po tom dokumentu ukinuti prijelaz za transportna vozila za prijelaze: Gunja, Strmica Osoje, Vinjani, Gornja Velika Kladuša, Maljevac i da li je Vijeće ministara pokrenulo proceduru da se isti vrate u funkciju za transport teretnih vozila kako bi se otklonile trenutne gužve.

Adisa Kokić Hinović pitanje je uputila Federalnom ministarstvu zdravstva, kojim traži da joj se dostavi Izvještaj o implementaciji Zakona o liječenju neplodnosti biomedicinski potpomognutom oplodnjom u FBiH, po kantonima, postupak ostvarivanja prava, broj prava i broj korisnika, količina finansijskih sredstava koja se koriste za ovu namjenu i u kojoj mjeri je implementiran navedeni Zakon.

Naredno pitanje uputila je Federalnom ministarstvu rada i socijalne politike-postoji li strategija za unapređenje položaja starijih osoba u Federaciji BiH i koji period Staregija obuhvata.

Posljednje pitanje uputila je Federalnom ministarstvu finansija–da li je pronađeno rješenje za prostorije Porezne ispostave Tešanj.

Elma Đogić kazala je da će zbog vremena uputiti jednu inicijativu i postaviti jedno pitanje, a ostalih deset će poslati službi pisanim putem.

Pokreće inicijativu prema Federalnoj upravi za inspeksijske poslove–federalno-urbanističko ekološkom inspektoratu a vezanu za izgradnju pogona te proizvodnih objekata u okviru razvojnih projekata u Općini Velika Kladuša Agrokomerc d.d. U toku postupka privatizacije i finansijske konsolidacije u velikom broju slučajeva uništen je veliki broj pogona i proizvodnih objekata. Prilikom uklanjanja ostataka pogona i proizvodnih objekata kupci iste nisu pravilno skladištili, a zbog zaštite građana Velika Kladuša traži da u skladu sa nadležnostima i saradnjom sa Vladom, Federalnom ministarstvom poljoprivrede, vodoprivrede i šumarstva i upravom Agrokomerca izvrši inspeksijska kontrola na teritoriji Općine Velika Kladuša.

Drugo pitanje uputila je Federalnom ministarstvu finansija – da li je Vlada Unsko-sanskog kantona dostavila izvještaj o utrošku sredstava u iznosu od 23.903,090 konvertibilnih maraka koja su dodijeljena Unsko-sanskom kantonu, a koje je Vlada FBiH dodjelila Odlukom o raspodjeli sredstava. Ako je Ministarstvo dobilo ovaj Izvještaj, traži da joj se dostavi.

Suad Kaknjo prvo pitanje-zašto Zakon o električnoj energiji, a kojim se reguliše izgradnja minihidroelektrana, još nije na dnevnom redu.

Drugo pitanje je u vezi odgovora na inicijativu koju je pokrenuo, a vezano za izmjene Zakona o porezu na dohodak, te pita kada će se na dnevnom redu naći set zakona vezanih za doprinose i porez na dohodak.

Senad Mašetić pokrenuo je inicijativu sa Amelom Kuskunović za izmjene i dopune Zakona o Fondu za profesionalnu rehabilitaciju, osposobljavanje i zapošljavanje osoba sa invaliditetom.

Pitanje postavlja ponovo, a vezano je za Općinu Gornji Vakuf-Uskoplje, da mu se dostavi spisak svih pravnih i fizičkih lica koji su dobili pomoć od ministarstva za rasljena lica i izbjeglice.

Amer Obradović kazao je da je pripremio tri pitanja i dvije inicijative ali će zbog vremena pročitati jednu inicijativu i pitanje, te će ostalo proslijediti pisanim putem službama.

Pokrenuo je inicijativu prema Vladi FBiH za implementaciju mjera za digitalizaciju uprave u organima i institucijama Federacije BiH.

Pitanje ponavlja prema Federalnom ministarstvu energije, rudarstva i industrije, kojim traži da mu se dostavi informacija o svim ugovorima koje je kompanija „Termo Metal Resist“ imala sa kompanijama iz sektora namjenske industrije, koje se nalaze u većinskom vlasništvu Federacije u posljednjih pet godina.

Adin Huremović osvrnuo se na Krivični zakon RS i Zakon o neprimjenjivanju odluka Visokog predstavnika u BiH, koje je usvojila Narodna skupština RS, te traži tumačenje Zakonodavno-pravne komisije i Federalnog ministarstva pravde, a vezano za posljedice u slučaju spominjanja utvrđenih činjenica i pravosnažno izrečenih presuda.

Eldar Čomor pitanje je uputio, vezano za Projekat modernizacije i dogradnje Terminala B potpisan 2018. godine, a svi rokovi su probijeni, pa traži informaciju o stanju i statusu ovog Projekta, presjek stanja i dinamika izgradnje, te izgranja parking mjesta kao i kružnog toka.

Mirsad Čamdžić pitanje je uputo Sektoru računovodstveno i finansijske poslove, javne nabavke i skladištenje Federalne uprave civilne zaštite—koliki je trošak zaposlenja suspendovanog direktora Federalne uprave civilne zaštite u periodu od 12. maja, 2020. godine do 31. avgusta 2021. godine, te da li Fahrudin Solak prima dodatak na posebne uslove rada.

Jasmina Zubić pokrenula je inicijativu kantonalnim vladama i ministarstvima za pitanja boraca, da usklade svoje zakone o dopunskim pravima branilaca i članova njihovih porodica i Zakona o novčanoj egzistencijalnoj naknadi sa članom 20. Zakona o pravima demobiliziranih branilaca i članova njihovih porodica.

Naredna inicijativa, kojom predlaže da Predstavnički dom organizira posjetu zastupnika lokalitetu Ravne- Visoko i Fondaciji Arheološki park Bosanska piramida Sunca.

Pitanje je uputila rukovodstvu Doma naroda - zašto se na dnevnom redu Doma naroda nije našao Zakon o izmjenama Zakona o penzijskom i invalidskom osiguranju, kako je usvojen u Predstavničkom domu na 24. sjednici, kojega je predložio zastupnik Mušić, nego se našao drugačiji tekst, što znači da će borci opet čekati na svoja prava koja su im neosnovano uskraćena.

Safer Demirović kratko je prokomentirao odgovore na neka postavljena pitanja.

Pitanje upućuje Elektroprivredi BiH—po kojoj cijeni Elektroprivreda BiH prodaje električnu energiju veletrovcima i po kojim cijenama izvozi električnu energiju u 2021. godini.

Tahir Nuhić pokrenuo je inicijativu vezanu za izmjenu Pravilnika o načinu uplate javnih prihoda budžeta i vanbudžetskih fondova na teritoriji Federacije BiH.

Druga inicijativa vezana je za usvajanje Zakona o minimalnoj plaći.

Meliha Bijedić pokrenula je inicijativu, kojom traži od Vlade FBiH da u program kapitalnih projekata koji se finansiraju iz kreditnih i grant sredstava Međunarodnih finansijskih institucija budžeta svih nivoa vlasti u Federaciji, fondova i vlastitih izvora, a za period

2022.-2024. godina uvrsti finansiranje izgradnje autoceste, brze ceste Tuzla-Brčko-Orašje(Rijeka Sava), kao i dijela autoceste brze ceste Sarajevo-Tuzla-Beograd i izgradnja brze ceste Tuzla-Sarajevo i Zvornik-Tuzla-Doboj i modernizacija postojeće ceste Tuzla-Sarajevo.

Pitanje je uputila, kojim traži izjašnjenje Vlade FBiH o realiziranim aktivnostima i u kojoj fazi je izgradnja poddionice Šićki Brod-Đurđevik na trasi ceste Tuzla-Sarajevo.

Elzina Pirić postavila je pitanje vezno za upražnjena mjesta ministra za boračka pitanja i ministra obrazovanja, a ima informacije da se upošljavaju savjetnici u ova ministarstva, te pita, koga savjetuju i ko je njihov poslodavac.

Drugo pitanje upućeno je Vladi FBiH i Federalnom ministarstvu energije, rudarstva i industrije, kojim traži informaciju sa tačnim podacima koliko je i u kojem rudniku uposleno ljudi, po kom osnovu na određeno ili neodređeno vrijeme i kojih zanimanja.

Matea Cakalin pitanje je uputila Federalnom ministarstvu za pitanja boraca i invalida odbrambeno-oslobodilačkog rata–na osnovu kojih kriterija je Komsija za predlaganje i raspodjelu sredstava sa transfera za sufinansiranje troškova sahrana i dženaza pripadnika boračke populacije u 2020. godini vršila selekciju među uredno zaprimljenim zahtjevima s pripadajućom kompletnom dokumentacijom, a uzimajući u obzir opće i posebne kriterije za odobravanje sredstava za sufinansiranje naprijed navedenih troškova u skladu sa javnim pozivom, te razlogu ograničenosti novčanih sredstava u budžetu Federacije BiH za 2020. godinu a koja su odobrena za ovu namjenu.

Salko Zildžić pitanja je postavio Federalnom ministarstvu unutrašnjih poslova, kojim traži da mu se dostave podaci o imenovanim i razriješenim savjetnicima kao i ugovorima o djelu, u kabinetu ministra u posljednje dvije godine, o zaposlenim državnim službenicima u ministarstvu u posljednje dvije godine i o službenim putovanjima i sastancima ministra u posljednje dvije godine, sa mjesečnim presjecima pređenih kilometara vozila koje koristi ministar.

Nedžad Šečić osvrnuo se na odgovor, vezan za pitanje koje je postavio Federalnom ministarstvu okoliša i turizma, po pitanju divlje deponije u Gradačcu, te ponovo pita, šta je Grad Gradačac do danas uradio od onoga šta je Ministarstvo od njih tražilo i kada se konkretno može očekivati zatvaranje ove divlje deponije koja ugrožava stavnovništvo i kompletan ekološki sistem.

Prešlo se na utvrđivanje dnevnog reda.

Vlada FBiH povukla je sa dnevnog reda Prijedlog Zakona o šumama i Prijedlog Zakona o građevinskom zemljištu. Također, povučeni su jer nisu dostavljeni na službenim jezicima: Izvještaj o radu Federalnog ministarstva unutrašnjih poslova za period 01.01.-31.12.2020. godine, Informacija o stanju kriminaliteta i sigurnosti na području FBiH za period januar-december 2020. godine i Izvještaj o poslovanju „Sarajevoputevi“ dd Sarajevo za 2020. godinu.

U raspravi o izmjenama i dopunama dnevnog reda učestvovali su: Damir Mašić, Ahmed Džubur, Husein Rošić, Asim Kamber i Adis Arapović.

Prijedlog Zakondavno-pravne komsije da se u dnevni red uvrsti tačka-Zaključak o prihvatanju inicijative za dopunu Zakona o utvrđivanju naseljenih mjesta i izmjenama u nazivu naseljenih mjesta u određenim općinama nije usvojen (29 za, bez glasova protiv i 27 uzdržanih glasova).

Klub zastupnika HDZ-HNS da se u dnevni red uvrsti tačka – Zaključak za donošenje Zakona o Gradu Lukavac, Zakona o Gradu Orašje, Zakona o Gradu Zavidovići, Zakona o Gradu Stolac, Zakona o Gradu Bosanska Krupa, Zakona o Gradu Konjic, usvojen je sa 67 glasova za, jednim glasom protiv i uz sedam uzdržanih glasova.

Adis Arapović predložio je da se u dnevni red uvrsti tačka-Rezolucija o zaštiti mira, suvereniteta, cjelovitosti, ustavnog poretka, teritorijalnog intergriteta, euro-unijske i

euro-atlantske perspektive Bosne i Hercegovine, a što je na osnovu pojedinačnog izjašnjavanja sa 52 glasa za, bez glasova protiv i uz 33 uzdržana glasa usvojeno.

Prijedlog Kluba zastupnika SDPBiH da se u dnevni red uvrsti tačka - Informacija Vlade FBiH o izgradnji Tunela Hranjen nije usvojen (33 za, pet glasova protiv i 28 uzdržanih glasova).

Prijedlog Kluba zastupnika SDPBiH da se u dnevni red uvrsti tačka – Informacija Vlade FBiH o izgradnji Termobloka-7 nije usvojen, (40 za, četiri glasa protiv i 31 uzdržani glas).

Prijedlog Kluba zastupnika SDPBiH da se u dnevni red uvrsti tačka – Informacija Vlade FBiH o snabdijevanju Federacije BiH prirodnim gasom, nije usvojen (36 za, šest glasova protiv i 38 uzdržanih glasova).

Prijedlog Kluba zastupnika SDPBiH da se u dnevni red uvrsti tačka – Informacija Vlade FBiH o usvojenom Pravilniku o dinamici zamjene fiskalnih sistema u FBiH, na osnovu pojedinačnog izjašnjavanja nije usvojen (41 za, četiri glasa protiv i 42 uzdržana glasa).

Adis Arapović predložio da tačka čiji je predlagač bude tretirana kao prva tačka dnevnog reda o što nije usvojeno (11 za, bez glasova protiv i 63 uzdržana glasa).

DNEVNI RED

1. Informacija Vlade FBiH o epidemiološkoj situaciji COVID – 19 sa prijedlogom naredbi i preporuka Kriznog štaba Federalnog ministarstva zdravstva,
2. Prijedlog Zakona o izmjenama i dopuni Zakona o državnoj službi Federacije BiH – skraćeni postupak,
3. Prijedlog Zakona o izmjenama i dopuni Zakona o namještenicima u organima državne službe u Federaciji BiH – skraćeni postupak,
4. Prijedlog Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata – skraćeni postupak, predlagači: zastupnici Petar Galić i Ante Baković
5. Nacrt Zakona o izmjenama i dopunama Zakona o zaštiti prirode,
6. Program razvoja zaštite i spašavanja ljudi i materijalnih dobara od prirodnih i drugih nesreća u Federaciji BiH od 2018. do 2025. godine,
7. Prijedlog Odluke o usvajanju Strategije zapošljavanja u Federaciji BiH,
8. Prijedlog Odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2020. godinu (konsolidovani) i Izvještaj o izvršenju Finansijskog plana Federalnog fonda solidarnosti za 2020. godinu (Anex I),
9. Izvještaj o poslovanju Agencije za bankarstvo Federacije BiH za 2020. godinu sa Informacijom o subjektima bankarskog sistema Federacije BiH sa stanjem na dan 31.12.2020. godine i Izvještaj o radu Ombudsmena za bankarski sistem Federacije BiH za 2020. godinu,
10. Izvještaj o odobravanju izdvajanja sredstava iz „Tekuća rezerva“ Vlade Federacije BiH iz Budžeta FBiH za 2021. godinu za period 01.01. do 30.06.2021. godine,
11. Revidirani Godišnji plan zaduživanja za 2020. godinu,
12. - Izvještaj o zaduženju FBiH po osnovu emisije obveznica (Aukcija na dan 27.04.2021. godine – 7Y – 30 mil.)
- Izvještaj o zaduženju FBiH po osnovu emisije obveznica (Aukcija na dan 08.06.2021. godine – 10Y – 30 mil.)
- Izvještaj o zaduženju FBiH po osnovu emisije (6Y) obveznica (na dan 29.06.2021. godine),
13. - Izvještaj o zaduženju FBiH po osnovu emisije trezorskih zapisa (Aukcija 11.05.2021. godine – 6M-50 mil.),
- Izvještaj o zaduženju FBiH po osnovu emisije (12M) trezorskih zapisa,

14. Rezolucija o zaštiti mira, suvereniteta, cjelovitosti, ustavnog poretka, teritorijalnog intergriteta, euro-unijske i euro-atlantske perspektive Bosne i Hercegovine, predlaže Adis Arapović,
15. Zaključak za donošenje Zakona o Gradu Lukavac, Zakona o Gradu Orašje, Zakona o Gradu Zavidovići, Zakona o Gradu Stolac, Zakona o Gradu Bosanska Krupa i Zakona o Gradu Konjic,
16. Izbori i imenovanja.

1. Informacija Vlade FBiH o epidemiološkoj situaciji COVID – 19 sa prijedlogom naredbi i preporuka Kriznog štaba Federalnog ministarstva zdravstva,

Informaciju na dan 09.08., 23.08., 06.09. i 20.09. 2021. godine dostavlja je Vlada FBiH. Informaciju su razmatrala nadležna radna tijela i dostavila izvještaje. Goran Čerkez dao je dodatno obrazloženje.

U raspravi su učestvovali: Amela Kuskunović, Adnan Efendić, Alma Kratina, Lana Prilić, Adina Huremović, Safer Demirović, Jasmina Zubić, Sanela Prašović-Gadžo, Kenela Zuko, Damir Mašić, Mara Đukić, Husein Rošić, Adis Arapović, Goran Akšamija i Goran Čerkez.

Predstavnički dom Parlamenta FBiH primio je k znaju Informaciju Vlade FBiH o epidemiološkoj situaciji COVID – 19 sa prijedlogom naredbi i preporuka Kriznog štaba Federalnog ministarstva zdravstva.

2. Prijedlog Zakona o izmjenama i dopuni Zakona o državnoj službi Federacije BiH – skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 58 glasova za, bez glasova protiv i uz osam uzdržanih glasova usvojeno.

U raspravi su učestvovali: Adis Arapović, Mirsad Pindžo, Alma Kratina, Adnan Efendić, Mirsad Čamdžić, Damir Mašić, ispred Vlade FBiH Alen Taletović.

Sa 41 glasom za, 10 glasova protiv i uz 21 uzdržani glas, nije usvojen Prijedlog Zakona o izmjenama i dopuni Zakona o državnoj službi Federacije BiH.

3. Prijedlog Zakona o izmjenama i dopuni Zakona o namještenicima u organima državne službe u Federaciji BiH – skraćeni postupak

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 53 glasa za, bez glasova protiv i uz 15 uzdržanih glasova usvojeno.

Adis Arapović predložio je zaključak vezan za tačku 2. i 3. dnevnog reda.

Sa 61 glasom za, bez glasova protiv i uz jedan uzdržani glas usvojen je sljedeći:

ZAKLJUČAK

Zadužuje se Federalno ministarstvo pravde i Vlada Federacije BiH, da u roku od 90 dana pripreme, utvrde i u parlamentarnu proceduru upute novi Zakon o državnoj službi Federacije BiH i novi Zakon o namještenicima u organima državne službe u Federaciji BiH u skladu sa preporukama SIGMA izvještaja, izvještaja Evropske komisije o napretku Bosne i Hercegovine, te konačno u skladu sa jednim od 14 kriterija iz Mišljenja Evropske komisije o zahtjevu BiH za članstvo u EU iz 2019. godine, a koji glasi: "Završiti neophodne korake u reformi javne uprave, s ciljem unapređenja sveukupnog funkcioniranja javne uprave i osiguravanjem profesionalne i depolitizirane državne službe i koordiniranim pristupom u kreiranju politika u cijeloj državi.

4. Prijedlog Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata – skraćeni postupak, predlagači: zastupnici Petar Galić i Ante Baković

Prijedlog Zakona utvrdili su zastupnici Petar Galić i Ante Baković.

Predlagači su dostavili amandman koji je postao sastavni dio Prijedloga zakona.

Ispred Odbora za energetiku, rudarstvo i industriju obrazlagao je Bahrudin Šarić.

Ispred Komisije za lokalnu samoupravu obrazlagao je Irfan Čengić.

Ispred Odbora za poljoprivredu, vodoprivredu i šumarstvo obrazlagao je Ahmed Džubur.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 71 glasom za, bez glasova protiv i uz bez uzdržanih glasova usvojeno.

Predsjedavajući je konstatirao da je zastupnica Majra Dautbegović predložila amandman na ovaj Prijedlog Zakona koji nije dostavljen u roku propisanom Poslovníkom te se neće razmatrati.

U raspravi su učestvovali: Majra Dautbegović, Ivan Boban i Boro Krišto.

Sa 74 glasa za, bez glasova protiv i bez uzdržanih glasova, usvojen je Prijedlog Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata.

5. Nacrt Zakona o izmjenama i dopunama Zakona o zaštiti prirode

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH, ministrica Edita Đapo dala je dodatno obrazloženje.

U raspravi je učestvovala Jasmina Zubić.

Sa 66 glasova za, bez glasova protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o zaštiti prirode i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanom obliku.

6. Program razvoja zaštite i spašavanja ljudi i materijalnih dobara od prirodnih i drugih nesreća u Federaciji BiH od 2018. do 2025. godine,

Program je dostavila Vlada FBiH.

Program su razmatrala nadležna radna tijela i dostavila izvještaje.

Ispred Federalne uprave civilne zaštite obrazlagao je Enes Memić.

U raspravi su učestvovali: Elma Đogić, Adnan Efendić, Sanela Klarić, Tašo Dacić, Safer Demirović.

Predlagač je prihvatio primjedbu zastupnika Efendića, da se u nazivu Programa izvrši izmjena te da glasi: „2021.-2028. godina“.

Sa 55 glasova za, bez glasova protiv i uz šest uzdržanih glasova, usvojen je Program razvoja zaštite i spašavanja ljudi i materijalnih dobara od prirodnih i drugih nesreća u Federaciji BiH od 2021. do 2028. godine.

Sanela Klarić predložila je zaključke-Predstavnički dom Parlamenta FBiH obavezuje Parlamentarnu komisiju odgovornu za reviziju Parlamenta FBiH da u roku od šest mjeseci revidira usklađenost rashoda iz prethodna četiri izvještaja o radu Federalne uprave civilne zaštite sa njenim budžetskim zahtjevima; Predstavnički dom Parlamenta FBiH obavezuje Komisiju za sigurnost ponudi da u roku od šest mjeseci da prijedlog eventualne prekompozicije ili formiranja novih inspektorata i organizacionih jedinica unutar iste te da se ocjeni svishodnost aktuelnog Programa razvoja zaštite i spšavanja od prirodnih i drugih nesreća u Federaciji BiH; Predstavnički dom Parlamenta FBiH obavezuje Zakonodavno-pravnu komisiju da u roku od šest mjeseci revidira legislativnu usklađenost zakona i podzakonskih akata iz oblasti zaštite i spašavanja ljudi i materijalnih dobara od prirodnih i drugih nesreća i provjeri usklađenost rada Federalne uprave civilne zaštite u periodu od 16.3.2021. do danas sa zakonima i podzakonskim aktima iz date oblasti, a koji nisu usvojeni (29 za, bez glasova protiv i 23 uzdržana glasa).

7. Prijedlog Odluke o usvajanju Strategije zapošljavanja u Federaciji BiH,

Prijedlog Odluke dostavila je Vlada FBiH.

Prijedlog Odluke razmatra su nadležna radna tijela i dostavila izvještaje.

Ispred Odbora za ekonomsku i finansijsku politiku obrazlagao je Husein Rošić.

U raspravi su učestvovali: Mirsad Čamdžić i Salko Zildžić.

Na osnovu pojedničanog izjašnjenja, sa 50 glasova za, bez glasova protiv i uz 22 uzdržana glasa, usvojen je Prijedlog Odluke o usvajanju Strategije zapošljavanja u Federaciji BiH.

8. Prijedlog Odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2020. godinu (konsolidovani) i Izvještaj o izvršenju Finansijskog plana Federalnog fonda solidarnosti za 2020. godinu (Anex I),

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostvail izvještaje.

U raspravi su učestvovali: Amela Kuskunović, ta ispred Zavoda Zilha Ademaj.

Sa 56 glasova za, bez glasova protiv i uz 11 uzdržanih glasova, usvojen je Prijedlog Odluke o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2020. godinu (konsolidovani) i Izvještaj o izvršenju Finansijskog plana Federalnog fonda solidarnosti za 2020. godinu (Anex I).

9. Izvještaj o poslovanju Agencije za bankarstvo Federacije BiH za 2020. godinu sa Informacijom o subjektima bankarskog sistema Federacije BiH sa stanjem na dan 31.12.2020. godine i Izvještaj o radu Ombudsmena za bankarski sistem Federacije BiH za 2020. godinu,

Izvještaj je dostavila Vlada FBiH.

Izvještaj su razmatrala nadležna radna tijela i dostvila izvještaje.

Direktor Agencije za bankarstvo, Jasmin Mahmuzić dao je dodatano obrazloženje.

Sa 54 glasa za, bez glasova protiv i uz osam uzdržanih glasova, Predstavnički dom prihvatio je Izvještaj o poslovanju Agencije za bankarstvo Federacije BiH za 2020. godinu sa Informacijom o subjektima bankarskog sistema Federacije BiH sa stanjem na dan 31.12.2020. godine i Izvještaj o radu Ombudsmena za bankarski sistem Federacije BiH za 2020. godinu.

10. Izvještaj o odobravanju izdvajanja sredstava iz „Tekuća rezerva“ Vlade Federacije BiH iz Budžeta FBiH za 2021. godinu za period 01.01. do 30.06.2021. godine

Izvještaj je dostavila Vlada FBiH.

Izvještaj su razmatrala nadležna radna tijela i dostvila izvještaje.

U raspravi niko nije učestvovao.

Sa 56 glasova za, jednim glasom protiv i uz osam uzdržanih glasova Predstavnički dom prihvatio je Izvještaj o odobravanju izdvajanja sredstava iz „Tekuća rezerva“ Vlade Federacije BiH iz Budžeta FBiH za 2021. godinu za period 01.01. do 30.06.2021. godine.

11. Revidirani Godišnji plan zaduživanja za 2020. godinu,

Revidirani Godišnji plan dostavila je Vlada FBiH.

Revidirani Godišnji plan razmatrala su nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Revidirani Godišnji plan zaduživanja za 2020. godinu.

12. - Izvještaj o zaduženju FBiH po osnovu emisije obveznica (Aukcija na dan 27.04.2021. godine – 7Y – 30 mil.)

- Izvještaj o zaduženju FBiH po osnovu emisije obveznica (Aukcija na dan 08.06.2021. godine – 10Y – 30 mil.)

- Izvještaj o zaduženju FBiH po osnovu emisije (6Y) obveznica (na dan 29.06.2021. godine),

Izvještaje je dostavila Vlada FBiH.

Izvještaje su razmatrala nadležna radna tijela i dostvila izvještaje.

U raspravi niko nije učestvovao.

Predstavnički dom primio je k znanju Izvještaj o zaduženju FBiH po osnovu emisije obveznica (Aukcija na dan 27.04.2021. godine – 7Y – 30 mil.), Izvještaj o zaduženju FBiH po osnovu emisije obveznica (Aukcija na dan 08.06.2021. godine – 10Y – 30 mil.), Izvještaj o zaduženju FBiH po osnovu emisije (6Y) obveznica (na dan 29.06.2021. godine).

13. - Izvještaj o zaduženju FBiH po osnovu emisije trezorskih zapisa (Aukcija 11.05.2021. godine – 6M-50 mil.),

- Izvještaj o zaduženju FBiH po osnovu emisije (12M) trezorskih zapisa,

Izvještaje je dostavila Vlada FBiH.

Izvještaje su razmatrala nadležna radna tijela i dostvila izvještaje.

U raspravi niko nije učestvovao.

Predstavnički dom primio je k znanju - Izvještaj o zaduženju FBiH po osnovu emisije trezorskih zapisa (Aukcija 11.05.2021. godine – 6M-50 mil.) i Izvještaj o zaduženju FBiH po osnovu emisije (12M) trezorskih zapisa.

14. Rezolucija o zaštiti mira, suvereniteta, cjelovitosti, ustavnog poretka, teritorijalnog intergriteta, euro-unijske i euro-atlantske perspektive Bosne i Hercegovine, predlagač Adis Arapović

Rezoluciju je utvrdio zastupnik Adis Arapović, te je dao i dodatno obrazloženje.

U raspravi su učestvovali: Marijan Klaić, Damir Mašić i Sanela Prašović Gadžo.

Sanela Prašović-Gadžo sugerirala je stilski i jezički da se izmijeni naslov Rezolucije na način da glasi :” Rezolucija o zaštiti mira, suvereniteta, cjelovitosti, ustavnog poretka, teritorijalnog intergriteta, države Bosne i Hercegovine u njenjoj euro-unijskoj i euro-atlantskoj perspektivi” a što je predlagač prihvatio.

Sa 56 glasova za, bez glasova protiv i uz 12 uzdržanih glasova, usvojena je Rezolucija o zaštiti mira, suvereniteta, cjelovitosti, ustavnog poretka, teritorijalnog intergriteta, države Bosne i Hercegovine u njenjoj euro-unijskoj i euro-atlantskoj perspektivi.

15. Zaključak za donošenje Zakona o Gradu Lukavac, Zakona o Gradu Orašje, Zakona o Gradu Zavidovići, Zakona o Gradu Stolac, Zakona o Gradu Bosanska Krupa i Zakona o Gradu Konjic,

Ova tačka dnevnog reda uvrštena je na prijedlog Kluba zastupnika HDZ-HNS.

U raspravi su učestvovali: Hasan Muratović, Irfan Čengić, Marijan Klaić i Miomirka Melank.

Sa 55 glasova za, osam glasova protiv i uz devet uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH zadužuje Vladu FBiH da u roku od 60 dana izradi i u parlamentarnu proceduru uputi radi razmatranja i usvajanja Prijedlog za donošenje Zakona o Gradu Lukavac, Zakona o Gradu Orašje, Zakona o Gradu Zavidovići, Zakona o Gradu Stolac, Zakona o Gradu Bosanska Krupa i Zakona o Gradu Konjic, u skladu sa Poslovníkom Predstavničkog doma Parlamenta FBiH.

16. Izbori i imenovanja

Komisija za izbor i imenovanje razmatrala je Prijedlog o izmjeni Odluke o izboru predsjednika, zamjenika predsjednika i članova radnih tijela Predstavničkog doma Parlamenta FBiH.

U Administrativnu komisiju, Odbor za promet i komunikacije, kao i Odbor za prostorno uređenje, stambeno-komunalnu poliku, ekologiju i turizam za člana, umjesto Elemedina Volodera, predlaže se Ramiz Karić, a što je sa 64 glasa, bez glasova protiv i bez uzdržanih glasova usvojeno.

Damir Mašić predložio je zaključak - Predstavnički dom Parlamenta FBiH zadužuje Komisiju za izbor i imenovanje da za narednu redovnu sjednicu Predstavničkog doma Parlamenta

FBiH pripremi i predloži kandidate i kandidatkinje iz reda srpskog naroda u rukovodstvo Doma, a što nije usvojeno (47 glasova za, bez glasova protiv i uz 10 uzdržanih glasova).

Dopredsjedavajući je zaključio rad 25. redovne sjednice u 18.22.

Transkript i prijepis transkripta sjednice čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović